



Chinmaya Mission Sacramento

# The Story of An Exemplary Devotee

The Life of Shri Bharata from Ramcharitmanas

Discourses by Br. Soham Chaitanya, Resident Spiritual teacher, CMSJ

At Chinmaya Triveni, Celebrating the Tenth Year

October 18 to 20, 2024

---



# Bharata Charita (Ayodhya Kanda)

## Invocation

वर्णानामर्थसंघानां रसानां छन्दसामपि।  
मङ्गलानां च कर्तारौ वन्दे वाणीविनायकौ॥1॥

varṇānāmarthasaṅghānāṃ rasānāṃ chandasāmapī.  
maṅgalānāṃ ca karttārau vandē vāṇīvināyakau..1..

भवानीशङ्करौ वन्दे श्रद्धाविश्वासरूपिणौ।  
याभ्यां विना न पश्यन्ति सिद्धाःस्वान्तःस्थमीश्वरम्॥2॥

bhavānīśaṅkarau vandē śraddhāviśvāsarūpiṇau.  
yābhyāṃ vinā na paśyanti siddhāḥsvāntaḥsthamīśvaram..2..

वन्दे बोधमयं नित्यं गुरुं शङ्कररूपिणम्।  
यमाश्रितो हि वक्रोऽपि चन्द्रः सर्वत्र वन्द्यते॥3॥

vandē bōdhamayaṃ nityaṃ gurum ṣaṅkararūpiṇam.  
yamāśritō hi vakrō.pi candraḥ sarvatra vandyatē..3..

यन्मायावशवर्तिं विश्वमखिलं ब्रह्मादिदेवासुरा  
यत्सत्त्वादमृषैव भाति सकलं रज्जौ यथाहेर्भ्रमः।  
यत्पादप्लवमेकमेव हि भवाम्भोधेस्तितीर्षावतां  
वन्देऽहं तमशेषकारणपरं रामाख्यमीशं हरिम्॥6॥

yanmāyāvaśavartim viśvamakhilaṃ brahmādidēvāsurā  
yatsatvādamṛṣaiva bhāti sakalaṃ rajjau yathāhērbhramaḥ.  
yatpādaplavamēkamēva hi bhavāmbhōdhēstitīrṣāvatām  
vandē.ham tamaśēṣakāraṇaparaṃ rāmākhyamīśaṃ harim..6..

## VasishthaJi's advice to BharatJi

सुनहु भरत भावी प्रबल बिलखि कहेउ मुनिनाथ।  
हानि लाभु जीवन मरनु जसु अपजसु बिधि हाथ॥171॥

sunahu bharata bhāvī prabala bilakhi kahēu muninātha.  
hāni lābhu jīvana maranu jasu apajasu bidhi hātha..171..

## Who should be grieved over?

अस बिचारि केहि देइअ दोसू। ब्यरथ काहि पर कीजिअ रोसू॥  
तात बिचारु केहि करहु मन माहीं। सोच जोगु दसरथु नृपु नाहीं॥  
सोचिअ बिप्र जो बेद बिहीना। तजि निज धरमु बिषय लयलीना॥  
सोचिअ नृपति जो नीति न जाना। जेहि न प्रजा प्रिय प्रान समाना॥  
सोचिअ बयसु कृपन धनवानू। जो न अतिथि सिव भगति सुजानू॥  
सोचिअ सूद्रु बिप्र अवमानी। मुखर मानप्रिय ग्यान गुमानी॥  
सोचिअ पुनि पति बंचक नारी। कुटिल कलहप्रिय इच्छाचारी॥  
सोचिअ बटु निज ब्रतु परिहरई। जो नहिं गुर आयसु अनुसरई॥

asa bicāri kēhi dēia dōsū. byaratha kāhi para kījia rōsū..  
tāta bicāru kēhi karahu mana māhīm. sōca jōgu dasarathu nrpu  
nāhīm..  
sōcia bipra jō bēda bihīnā. taji nija dharamu biṣaya layalīnā..  
sōcia nrpati jō nīti na jānā. jēhi na prajā priya prāna samānā..  
sōcia bayasu kṛpana dhanavānū. jō na atithi siva bhagati sujānū..  
sōcia sūdru bipra avamānī. mukhara mānapriya gyāna gumānī..  
sōcia puni pati baṃcaka nārī. kuṭila kalahapriya icchācārī..  
sōcia baṭu nija bratu pariharaī. jō nahim gura āyasu anusaraī..

## दोहा/सोरठा

सोचिअ गृही जो मोह बस करइ करम पथ त्याग।  
सोचिअ जति प्रंपच रत बिगत बिबेक बिराग॥172॥

sōcia gṛhī jō mōha basa karai karama patha tyāga.  
sōcia jati prampaca rata bigata bibēka birāga..172..

## BharatJi's advice to Ayodhyavasis- In what lies our well being?

हित हमार सियपति सेवकाई। सो हरि लीन्ह मातु कुटिलाई।  
में अनुमानि दीख मन माहीं। आन उपायँ मोर हित नाहीं।। 178.1

hita hamāra siyapati sēvakāi. sō hari līnha mātu kuṭilāi..  
maiṃ anumāni dīkha mana māhīṃ. āna upāyaom mōra hita  
nāhīṃ..

## Bhagavan's Love is Unconditional

परिहरि रामु सीय जग माहीं। कोउ न कहिहि मोर मत नाहीं।।  
सो में सुनब सहब सुखु मानी। अंतहुँ कीच तहाँ जहँ पानी।। 182.2

parihari rāmu sīya jaga māhīṃ. kōu na kahihi mōra mata nāhīṃ..  
sō maiṃ sunaba sahaba sukhu mānī. aṃtahuom kīca tahāom  
jahaom pānī..

## Alertness of BharatJi

संपति सब रघुपति कै आही। जौ बिनु जतन चलौं तजि ताही।।  
तौ परिनाम न मोरि भलाई। पाप सिरोमनि साइँ दोहाई।। 186.2

sampati saba raghupati kai āhī. jau binu jatana calaum taji tāhī..  
tau parināma na mōri bhalāi. pāpa sirōmani sāiom dōhāi..

## True Sevaka

करइ स्वामि हित सेवकु सोई। दूषन कोटि देइ किन कोई।।  
अस बिचारि सुचि सेवक बोले। जे सपनेहुँ निज धरम न डोले।। 186.3

karai svāmi hita sēvaku sōi. dūṣana kōṭi dēi kina kōi..  
asa bicāri suci sēvaka bōlē. jē sapanēhuom nija dharama na  
ḍōlē..

## Greatness of Rama Nama

राम राम कहि जे जमुहाहीं। तिन्हहि न पाप पुंज समुहाहीं॥  
यह तौ राम लाइ उर लीन्हा। कुल समेत जगु पावन कीन्हा॥  
करमनास जलु सुरसरि परई। तेहि को कहहु सीस नहिं धरई॥  
उलटा नामु जपत जगु जाना। बालमीकि भए ब्रह्म समाना॥

rāma rāma kahi jē jamuhāhīṃ. tinhahi na pāpa puṃja  
samuhāhīṃ..  
yaha tau rāma lāi ura līnhā. kula samēta jagu pāvana kīnhā..  
karamanāsa jalu surasari paraī. tēhi kō kahahu sīsa nahīṃ  
dharaī..  
ulaṭā nāmu japata jagu jānā. bālamīki bhaē brahma samānā..

## दोहा/सोरठा

स्वपच सबर खस जमन जड़ पावँर कोल किरात।  
रामु कहत पावन परम होत भुवन बिख्यात॥194॥

svapaca sabara khasa jamana jaḍa pāvaomra kōla kirāta.  
rāmu kahata pāvana parama hōta bhuvana bikhyāta..194..

कपटी कायर कुमति कुजाती। लोक बेद बाहेर सब भाँती॥  
राम कीन्ह आपन जबही तें। भयउँ भुवन भूषन तबही तें॥ 196.1

kapaṭī kāyara kumati kujātī. lōka bēda bāhēra saba bhāomtī..  
rāma kīnha āpana jabahī tēṃ. bhayauom bhuvana bhūṣana tabahī  
tēṃ..

## BharatJi's prayer to Prayagraj

### दोहा/सोरठा

अरथ न धरम न काम रुचि गति न चहँउँ निरबान।  
जनम जनम रति राम पद यह बरदानु न आन॥204॥

aratha na dharama na kāma ruci gati na cahauom nirabāna.  
janama janama rati rāma pada yaha baradānu na āna..204..

## Meeting with BharadwajJi

संपत चकई भरतु चक मुनि आयस खेलवार।।  
तेहि निसि आश्रम पिंजरां राखे भा भिनुसार।।215।।

saṃpata cakaī bharatu caka muni āyasa khēlavāra..  
tēhi nisi āśrama piṃjarāom rākhē bhā bhinusāra..215..

## BrihaspatiJi's teaching to Indra: Whom and how does God help?

सुनु सुरेस उपदेसु हमारा। रामहि सेवकु परम पिआरा।।  
मानत सुखु सेवक सेवकाई। सेवक बैर बैरु अधिकाई।।  
जद्यपि सम नहिं राग न रोषू। गहहिं न पाप पूनु गुन दोषू।।  
करम प्रधान बिस्व करि राखा। जो जस करइ सो तस फलु चाखा।।  
तदपि करहिं सम बिषम बिहारा। भगत अभगत हृदय अनुसार।।  
अगुन अलेप अमान एकरस। रामु सगुन भए भगत पेम बस।।  
राम सदा सेवक रुचि राखी। बेद पुरान साधु सुर साखी।।  
अस जियँ जानि तजहु कुटिलाई। करहु भरत पद प्रीति सुहाई।।

sunu surēsa upadēsu hamārā. rāmahi sēvaku parama piārā..  
mānata sukhu sēvaka sēvakāī. sēvaka baira bairu adhikāī..  
jadyapi sama nahim rāga na rōṣū. gahahim na pāpa pūnu guna  
dōṣū..  
karama pradhāna bisva kari rākhā. jō jasa karai sō tasa phalu  
cākhā..  
tadapi karahim sama biṣama bihārā. bhagata abhagata hṛdaya  
anusārā..  
aguna alēpa amāna ēkarasa. rāmu saguna bhaē bhagata pēma  
basa..

rāma sadā sēvaka ruci rākhī. bēda purāna sādhu sura sākhī..  
asa jiyaom jāni tajahu kuṭilāi. karahu bhārata pada prīti suhāi..

## दोहा/सोरठा

राम भगत परहित निरत पर दुख दुखी दयाल।  
भगत सिरोमनि भरत तें जनि डरपहु सुरपाल॥219॥

rāma bhagata parahita nirata para dukha dukhī dayāla.  
bhagata sirōmani bhārata tēm jani ḍarapahu surapāla..219..

## BharatJi's description of Lord Rama (Basis for Vinaya Patrika)

सभा सकुच बस भरत निहारी। रामबंधु धरि धीरजु भारी॥  
कुसमउ देखि सनेहु सँभारा। बढत बिंधि जिमि घटज निवारा॥  
सोक कनकलोचन मति छोनी। हरी बिमल गुन गन जगजोनी॥  
भरत बिबेक बराहँ बिसाला। अनायास उधरी तेहि काला॥  
करि प्रनामु सब कहँ कर जोरे। रामु राउ गुर साधु निहोरे॥  
छमब आजु अति अनुचित मोरा। कहँ बदन मृदु बचन कठोरा॥  
हियँ सुमिरी सारदा सुहाई। मानस तें मुख पंकज आई॥  
बिमल बिबेक धरम नय साली। भरत भारती मंजु मराली॥

sabhā sakuca basa bhārata nihārī. rāmabandhu dhari dhīraju  
bhārī..  
kusamau dēkhi sanēhu saombhārā. baḍhata biṁdhi jimi ghaṭaja  
nivārā..  
sōka kanakalōcana mati chōnī. harī bimala guna gana jagajōnī..  
bhārata bibēka barāhaom bisālā. anāyāsa udharī tēhi kālā..  
kari pranāmu saba kahaom kara jōrē. rāmu rāu gura sādhu  
nihōrē..

chamaba āju ati anucita mōrā. kahauom badana mṛdu bacana  
kaṭhōrā..

hiyaom sumirī sārādā suhāī. mānasa tēṃ mukha paṃkaja āī..

bimala bibēka dharama naya sālī. bharata bhāratī maṃju marālī..

## दोहा/सोरठा

निरखि बिबेक बिलोचनन्हि सिथिल सनेहँ समाजु।

करि प्रनामु बोले भरतु सुमिरि सीय रघुराजु॥297॥

nirakhi bibēka bilōcananhi sithila sanēhaom samāju.

kari pranāmu bōlē bharatu sumiri sīya raghurāju..297..

राउरि रीति सुबानि बड़ाई। जगत बिदित निगमागम गाई॥

कूर कुटिल खल कुमति कलंकी। नीच निसील निरीस निसंकी॥

तेउ सुनि सरन सामुहँ आए। सकृत प्रनामु किहँ अपनाए॥

देखि दोष कबहुँ न उर आने। सुनि गुन साधु समाज बखाने॥

को साहिब सेवकहि नेवाजी। आपु समाज साज सब साजी॥

निज करतूति न समुझिअ सपनेँ। सेवक सकुच सोचु उर अपनेँ॥

सो गोसाइँ नहि दूसर कोपी। भुजा उठाइ कहउँ पन रोपी॥

पसु नाचत सुक पाठ प्रबीना। गुन गति नट पाठक आधीना॥

rāuri rīti subāni baḍaāī. jagata bidita nigamāgama gāī..

kūra kuṭila khala kumati kalaṃkī. nīca nisīla nirīsa nisāṃkī..

tēu suni sarana sāmuhēṃ āē. sakṛta pranāmu kihēṃ apanāē..

dēkhi dōṣa kabahuom na ura ānē. suni guna sādhu samāja  
bakhānē..

kō sāhiba sēvakahi nēvājī. āpu samāja sāja saba sājī..

nija karatūti na samujhia sapanēṃ. sēvaka sakuca sōcu ura  
apanēṃ..



sō gōsāiom nahi dūsara kōpī. bhujā uṭhāi kahauom pana rōpī..  
pasu nācata suka pāṭha prabīnā. guna gati naṭa pāṭhaka ādhīnā..

## दोहा/सोरठा

यों सुधारि सनमानि जन किए साधु सिरमोर।  
को कृपाल बिनु पालिहै बिरिदावलि बरजोर॥299॥

yōṃ sudhāri sanamāni jana kiē sādhu siramōra.  
kō kṛpāla binu pālihai biridāvali barajōra..299..

## Lord Rama's final verdict to BharatJi

बोले बचन बानि सरबसु से। हित परिनाम सुनत ससि रसु से॥  
तात भरत तुम्ह धरम धुरीना। लोक बेद बिद प्रेम प्रबीना॥

bōlē bacana bāni sarabasu sē. hita parināma sunata sasi rasu sē..  
tāta bharata tumha dharama dhurīnā. lōka bēda bida prēma  
prabīnā..

## दोहा/सोरठा

करम बचन मानस बिमल तुम्ह समान तुम्ह तात।  
गुर समाज लघु बंधु गुन कुसमयँ किमि कहि जात॥304॥

karama bacana mānasa bimala tumha samāna tumha tāta.  
gura samāja laghu baṇḍhu guna kusamayaom kimi kahi  
jāta..304..

जानहु तात तरनि कुल रीती। सत्यसंध पितु कीरति प्रीती॥  
समउ समाजु लाज गुरुजन की। उदासीन हित अनहित मन की॥  
तुम्हहि बिदित सबही कर करमू। आपन मोर परम हित धरमू॥  
मोहि सब भाँति भरोस तुम्हारा। तदपि कहँ अवसर अनुसार॥

तात तात बिनु बात हमारी। केवल गुरुकुल कृपाँ सँभारी॥  
नतरु प्रजा परिजन परिवारु। हमहि सहित सबु होत खुआरु॥  
जौं बिनु अवसर अथवँ दिनेसू। जग केहि कहहु न होइ कलेसू॥  
तस उतपातु तात बिधि कीन्हा। मुनि मिथिलेस राखि सबु लीन्हा॥

jānahu tāta tarani kula rītī. satyasaṁdha pitu kīrati prītī..  
samau samāju lāja gurujana kī. udāsīna hita anahita mana kī..  
tumhahi bidita sabahī kara karamū. āpana mōra parama hita  
dharamū..  
mōhi saba bhāomti bharōsa tumhārā. tadapi kahauom avasara  
anusārā..  
tāta tāta binu bāta hamārī. kēvala gurukula kṛpāom saombhārī..  
nataru prajā parijana parivārū. hamahi sahita sabu hōta khuārū..  
jauṁ binu avasara athavaom dinēsū. jaga kēhi kahahu na hōi  
kalēsū..  
tasa utapātu tāta bidhi kīnhā. muni mithilēsa rākhi sabu līnhā..

## दोहा/सोरठा

राज काज सब लाज पति धरम धरनि धन धाम।  
गुर प्रभाउ पालिहि सबहि भल होइहि परिनाम॥305॥

rāja kāja saba lāja pati dharama dharani dhana dhāma.  
gura prabhāu pālihi sabahi bhala hōihi parināma..305..

सहित समाज तुम्हार हमारा। घर बन गुर प्रसाद रखवारा।।  
मातु पिता गुर स्वामि निदेसू। सकल धरम धरनीधर सेसू।।  
सो तुम्ह करहु करावहु मोहू। तात तरनिकुल पालक होहू।।  
साधक एक सकल सिधि देनी। कीरति सुगति भूतिमय बेनी।।  
सो बिचारि सहि संकटु भारी। करहु प्रजा परिवारु सुखारी।।  
बाँटी बिपति सबहिं मोहि भाई। तुम्हहि अवधि भरि बड़ि कठिनाई।।  
जानि तुम्हहि मृदु कहउँ कठोरा। कुसमयँ तात न अनुचित मोरा।।  
होहिं कुठायँ सुबंधु सुहाए। ओड़िअहिं हाथ असनिहु के घाए।।

sahita samāja tumhāra hamārā. ghara bana gura prasāda  
rakhavārā..  
mātu pitā gura svāmi nidēsū. sakala dharama dharanīdhara sēsū..  
sō tumha karahu karāvahu mōhū. tāta taranikula pālaka hōhū..  
sādhaka ēka sakala sidhi dēnī. kīrati sugati bhūtimaya bēnī..  
sō bicāri sahi saṃkaṭu bhārī. karahu prajā parivāru sukhārī..  
bāomṭī bipati sabahiṃ mōhi bhāī. tumhahi avadhi bhari baḍai  
kaṭhināī..  
jāni tumhahi mṛdu kahauom kaṭhōrā. kusamayaom tāta na  
anucita mōrā..  
hōhiṃ kuṭhāyaom subaṃdhu suhāē. oḍaiahiṃ hātha asanihu kē  
ghāē..

## दोहा/सोरठा

सेवक कर पद नयन से मुख सो साहिबु होइ।  
तुलसी प्रीति कि रीति सुनि सुकबि सराहहिं सोइ।।306।।

sēvaka kara pada nayana sē mukha sō sāhibu hōi.  
tulasī prīti ki rīti suni sukabi sarāhahiṃ sōi..306..

## BharatJi Worshiping Padukas, Glory of Bharata Charita

देह दिनहुँ दिन दूबरि होई। घटइ तेजु बलु मुखछबि सोई॥  
नित नव राम प्रेम पनु पीना। बढत धरम दलु मनु न मलीना॥  
जिमि जलु निघटत सरद प्रकासे। बिलसत बेतस बनज बिकासे॥  
सम दम संजम नियम उपासा। नखत भरत हिय बिमल अकासा॥  
ध्रुव बिस्वास अवधि राका सी। स्वामि सुरति सुरबीथि बिकासी॥  
राम पेम बिधु अचल अदोषा। सहित समाज सोह नित चोखा॥  
भरत रहनि समुझनि करतूती। भगति बिरति गुन बिमल बिभूती॥  
बरनत सकल सुकचि सकुचाहीं। सेस गनेस गिरा गमु नाहीं॥

dēha dinahuom dina dūbari hōi. ghaṭai tēju balu mukhachabi sōi..  
nita nava rāma prēma panu pīnā. baḍhata dharama dalu manu na  
malīnā..  
jimi jalu nighaṭata sarada prakāsē. bilasata bētasa banaja bikāsē..  
sama dama saṃjama niyama upāsā. nakhata bharata hiya bimala  
akāsā..  
dhruva bisvāsa avadhi rākā sī. svāmi surati surabīthi bikāsī..  
rāma pēma bidhu acala adōṣā. sahita samāja sōha nita cōkhā..  
bharata rahani samujhani karatūtī. bhagati birati guna bimala  
bibhūtī..  
baranata sakala sukaci sakucāhīṃ. sēsa ganēsa girā gamu nāhīṃ..

## दोहा/सोरठा

नित पूजत प्रभु पाँवरी प्रीति न हृदयँ समाति॥  
मागि मागि आयसु करत राज काज बहु भाँति॥325॥  
nita pūjata prabhu pāomvarī prīti na hṛdayaom samāti..  
māgi māgi āyasu karata rāja kāja bahu bhāomti..325..

पुलक गात हियँ सिय रघुबीरू। जीह नामु जप लोचन नीरू।।  
लखन राम सिय कानन बसहीं। भरतु भवन बसि तप तनु कसहीं।।  
दोउ दिसि समुझि कहत सबु लोगू। सब बिधि भरत सराहन जोगू।।  
सुनि ब्रत नेम साधु सकुचाहीं। देखि दसा मुनिराज लजाहीं।।  
परम पुनीत भरत आचरनू। मधुर मंजु मुद मंगल करनू।।  
हरन कठिन कलि कलुष कलेसू। महामोह निसि दलन दिनेसू।।  
पाप पुंज कुंजर मृगराजू। समन सकल संताप समाजू।  
जन रंजन भंजन भव भारू। राम सनेह सुधाकर सारू।।

pulaka gāta hiyaom siya raghubīrū. jīha nāmu japa lōcana nīrū..  
lakhana rāma siya kānana basahīm. bharatu bhavana basi tapa  
tanu kasahīm..  
dōu disī samujhi kahata sabu lōgū. saba bidhi bharata sarāhana  
jōgū..  
suni brata nēma sādhu sakucāhīm. dēkhi dasā munirāja lajāhīm..  
parama punīta bharata ācaranū. madhura maṃju muda maṃgala  
karanū..  
harana kaṭhina kali kaluṣa kalēsū. mahāmōha nisi dalana dinēsū..  
pāpa puṃja kuṃjara mṛgarājū. samana sakala saṃtāpa samājū.  
jana raṃjana bhaṃjana bhava bhārū. rāma sanēha sudhākara  
sārū..

छंद

सिय राम प्रेम पियूष पूरन होत जनमु न भरत को।  
मुनि मन अगम जम नियम सम दम बिषम ब्रत आचरत को।।  
दुख दाह दारिद दंभ दूषन सुजस मिस अपहरत को।  
कलिकाल तुलसी से सठन्हि हठि राम सनमुख करत को।।

siya rāma prēma piyūṣa pūrana hōta janamu na bharata kō.

muni mana agama jama niyama sama dama biṣama brata  
ācarata kō..  
dukha dāha dārida daṃbha dūṣana sujasa misa apaharata kō.  
kalikāla tulasī sē saṭhanhi haṭhi rāma sanamukha karata kō..

## दोहा/सोरठा

भरत चरित करि नेमु तुलसी जो सादर सुनहिं।  
सीय राम पद पेमु अवसि होइ भव रस बिरति॥326॥

bharata carita kari nēmu tulasī jō sādara sunahiṃ.  
sīya rāma pada pēmu avasi hōi bhava rasa birati..326..

---

## श्री रामायनजी की आरती

आरती श्रीरामायनजी की। कीरति कलित ललित सिय पी की॥  
गावत ब्रह्मादिक मुनि नारद। बालमीक बिग्यान बिसारद॥  
सुक सनकादि सेष अरु सारद। बरनि पवनसुत कीरति नीकी॥  
गावत बेद पुरान अष्टदस। छओ सास्त्र सब ग्रंथन को रस॥  
मुनि जन धन संतन को सरबस। सार अंस संमत सबही की॥  
गावत संतत संभु भवानी। अरु घटसंभव मुनि बिग्यानी॥  
ब्यास आदि कबिबर्ज बखानी। कागभुसुंडि गरुड के ही की॥  
कलिमल हरनि बिषय रस फीकी। सुभग सिंगार मुक्ति जुबती की॥  
दलन रोग भव मूरि अमी की। तात मात सब बिधि तुलसी की॥


śrī rāmāyaṇajī kī āratī

āratī śrīrāmāyanajī kī | kīrati kalita lalita siya pī kī ||  
gāvata brahmādika muni nārada | bālamīka bigyāna bisārada ||  
suka sanakādi seṣa aru sārada | barani pavanasuta kīrati nīkī ||  
gāvata beda purāna aṣṭadasa | chao sāstra saba gramthana ko rasa ||  
muni jana dhana saṁtana ko sarabasa | sāra aṁsa saṁmata sabahī kī ||  
gāvata saṁtata saṁbhu bhavānī | aru ghaṭasaṁbhava muni bigyānī ||  
byāsa ādi kabibarja bakhānī | kāgabhusuṁḍi garuḍa ke hī kī ||  
kalimala harani biṣaya rasa phīkī | subhaga siṁgāra mukti jubatī kī ||  
dalana roga bhava mūri amī kī | tāta māta saba bidhi tulasī kī ||

---

*Our Gratitude, Offering, and Prostrations at His Lotus Feet*

---

Chinmaya Mission Sacramento  
Chinmaya Triveni, 3231 Ramos Circle, Sacramento, CA 95827  
<https://chinmaya-sacramento.org/>  Chinmaya Mission Sacramento

---